



Broj: 04-40-1-225/23  
Sarajevo, 14.08.2023. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 11.08.2023. do 08:30 sati 14.08.2023. godine**

**Kantonalna uprava civilne zaštite kantona Sarajevo:** U skladu sa Odlukom o angažovanju struktura zaštite i spašavanja Kantona Sarajevo na pružanju pomoći Republici Sloveniji u saniranju posljedica od poplava, koje je na prijedlog Štaba civilne zaštite Kantona Sarajevo donijela Vlada Kantona Sarajevo, a na osnovu Odluke Vijeća ministara BiH o pružanju međunarodne pomoći za zaštitu i spašavanju Vladi Republike Slovenije, Zaključka Vlade Federacije BiH i Naredbe Federalnog štaba civilne zaštite, operativne snage zaštite i spašavanja Kantona Sarajevo su dana, 12.08.2023. godine sa četiri teške mašine (bagera) i 12 pripadnika, u sklopu tima zaštite i spašavanja Federacije BiH upućene u Sloveniju u okviru operacije pružanja međunarodne pomoći BiH Republici Sloveniji u otklanjanju posljedica od katastrofalnih poplava, putem Mehanizma civilne zaštite Evropske unije. U toku jučerašnjeg dana operativne snage zaštite i spašavanja Kantona Sarajevo su bili sa mehanizacijom i ljudstvom angažovane na otklanjanju i saniranju posljedica u općini Rečica ob Savinji, gdje se inače, nalazi i baza operacije timova iz Bosne i Hercegovine (tima iz Federacije BiH i tima iz RS). U toku današnjeg dana planirano je da operativne timove iz Bosne i Hercegovine posjeti i ministrica vanjskih poslova Republike Slovenije Tanja Fajon.

U izvještajnom periodu Kantonalni operativni centar civilne zaštite zaprimio je dvije informacije o pronalasku NUS-a:

- dana 11.08.2023. godine u 09:18 sati, od uposlenice KJKP „Park“, da su radnici tog preduzeća u toku izvođenja radova na uređenju zelenih površina u ulici Zuke Džumhura br. 46 (Općina Centar) pronašli jednu tromblonsku minu;
- dana 14.08. 2023. godine u 08:15 sati, od Odjeljenja za kontradiverzionu zaštitu MUP KS, da se u njihovim prostorijama nalazi jedna ručna bomba.

Informacije su prenesene Timu za UES Federalne uprave civilne zaštite, koji su prvo navedeno pronađeno ubojno sredstvo preuzeli i zbrinuli istoga dana, dok će drugo preuzeti i zbrinuti u toku dana.

**GSS Kantona Sarajevo** je jučer, 13.08.2023.godine, imala akciju evakuacije starije ženske osobe koja je slomila nogu na nepristupačnom terenu u rejonu lokaliteta Skakavac (Općina Centar). Dojava o unesrećenoj osobi je zaprimljena u 14:30 sati od Policijske stanice Centar kada je i pokrenuta procedura angažovanja službe GSS-a radi pomoći unesrećenoj osobi. GSS Kantona Sarajevo je uputila 9 spasilaca na teren u 14:40 sati. Akcija je okončana u 18:30 sati kada je unesrećena žena predata medicinskom osoblju Hitne pomoći Sarajevo.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 24 intervencije, i to: gašenje zapaljenog niskog rastinja (3), gašenje zapaljenog dimnjaka (1), gašenje zapaljenog automobila (1), gašenje zapaljenog otpada u kontejneru (4), spašavanje životinje u životnoj opasnosti (1), obezbjeđenja javnih događaja (10) i četiri tehničke intervencije (dvije na uklanjanju srušenih stabala i dvije u vidu sapiranja platforme na Međunarodnom aerodromu „Sarajevo“).

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su devet intervencija, i to: gašenje zapaljenog otpada u kontejneru (4), gašenje zapaljenog niskog rastinja (1), spašavanje životinje u životnoj opasnosti (1), obezbjeđenje javnog događaja (1) i sapiranje platforme na Međunarodnom aerodromu „Sarajevo“(2).

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodospodijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 14°C, vlažnost zraka 82%, barometarski pritisak 948,4 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a